

奏摺

福建臺灣鎮總兵官世襲拜他喇布勒哈番臣林亮謹

奏為

聖德浩蕩難名生番歸化日衆事竊照臺灣自入版圖以來內
山生番不受教化自我

皇上登極之元年至今南路大山以前傀儡生番歸化者接踵
而至本年拾月拾陸日南路山前復招有生番歷歷社亦
覓社率罔社大龜文社謝不一社等共伍社拾壹月初貳
日北路山前亦招有生番本祿社六龜呂走社南仔加瀨
社裡色見社等共肆社俱經宣揚

聖德厚加賞給以慰歸誠去後惟山後傀儡生番從未有來歸
者臣思去歲玖月

陛辭之日跪聆



聖訓有撫輯番黎之

旨臣隨卽會商巡臺御史臣禪濟布臣丁士一臺廈道臣吳昌
祚仰體

皇仁思所以招徠之因公同捐備一切賞物行糧遴委水師中
營守備吳崑帶領通曉番語之人同舊歸化卑南覓社土
官徧歷山後各社宣布

聖主德威竝令南路營縣各差員弁前往接應招撫茲有八里

罔社加留難社射己寧社勝哈社八里罔雅社大板六社

大狗社蠲仔弼社柯末社勝北社大里力社知本社社馬

干社大鳥萬社百馬以力社悶悶社朝猫厘社美基美基

社本灣社八搭禮社里踏里社礁那勝狗社呂佳罔社拔

望社八絲闔社老郎社達龜文社募六社里立社召猫厘

社下加留難社隆鸞社蠲仔崙社搭具文社哆囉覓則社

搭林搭林社謝臘眉社大德訖社大棗高社確只零社屢

捫社猫美葛社礁猫里力社加那打難社哆囉網葛氏社

買屢里郊社礁里望社嗎勝的社作那作社加里房曷社

琅仔琅社干也猫曷社思勝宰社猪馬淵社誅力社溫律

是社加勝突社甕繚社房仔要社丁仔荖社礁勝哈社加



落社花戀社并武突社舍別社共陸拾伍社歡躍歸誠各
差土官小馬大攻罔莪朱雷卒雷律危加那里萬屢咩加
戈射林馬林朗洛小番加勝朱加羅眼沙洛阿里罔井雲
并鬱必丹烟罵咯句留花勝各加丁別社系覓改戀加勝
別丁丁仔蘭加朗跟舊歸化土官勝勝短等共貳拾捌名
隨同守備吳崑於拾壹月貳拾貳日前來府治齎獻戶口
冊籍男婦共有伍千柒百玖拾玖名口願附版圖臣卽會
同巡臺御史臣禪濟布臣丁士一臺廈道臣吳昌祚暨文
武官弁齊集臣署深加慰諭再行賞給仍令歸社傳知每
歲二次差人帶物前去給賞外欽惟我

皇上仁風丕冒威德遠揚是以從古未見天日之野番一聞招
撫旋卽歸心播之遐方傳之奕世洵爲

聖朝之休風盛事除各番歸化戶籍應聽督撫二臣

題報外臣謹將招徠情形繕摺專差臣標右營把總湯志親
齎奏

聞

等

林亮招徠諸社生番甚屬了委看從優議叙着
福建司庫賞林亮銀一萬兩以備賞勞了用該
部知道






8352

雍正貳年拾壹月

貳拾陸

日福建臺灣鎮總兵官世襲拜他喇布勒哈番臣林亮



國立故宮博物院
NATIONAL PALACE MUSEUM

